

DEO OPTIMO MAXIMO  
UNI ET TRINO,  
VIRGINI DEI-PARÆ, ET S. LUCÆ,

101.

Orthodoxorum Medicorum Patrono.

QUÆSTIO MEDICA,  
CARDINALITIIS DISPUTATIONIBUS  
manè discutienda in Scholis Medicorum, die Jovis vigesima-prima  
mensis Martii, anno Domini M. DCC. LXXI.

M. FLORENTIO-CAROLO BELLOT,  
Professore Regio, Doctore Medico, Præsidente.

An hysterice insulibus præcavendis, musice?

I.



EFFECTUS hysterice nomine, varia animi pathemata, quem ad modum fert ipsius-met verbi etymologia, intelligere non debemus; quia uterus hujus-ce affectus semper non sit sedes. Sed potius istorum affectuum nomine, intelligenda venit ea major nervorum sensibilitas quæ, variæ, variis temporum intervallis, partes corporis vividius afficiuntur, & crudelioribus depascuntur symptomatibus. Intensioris autem sensibilitatis duplex

assignari potest causa, causa nempe remota & proxima: ad priorem attinet abusus sex rerum non naturalium; de posteriore autem vix inter se consentiunt auctores. Et enim Sydenhamus (a) irregularem spirituum animalium cursum, seu quod idem est eorum ataxiam, pro causâ proximâ agnoscit. Hoffmannus vero (b) hanc ce causam peculiari uteri vitio tribuendam censet, sic enim loquitur; *motus nervorum spasmodicus, ex uteri vitio*. Sed integris & illæsis tantorum virorum opinionibus, verò similis nobis videtur causam proximam, nil aliud esse, quàm majorem fluidorum & præsertim liquidi nervi quantitatem. Quo posito, quid præcavendis, quid retundendis diversis exurgentibus ab hoc vitii genere symptomatibus, auxilii ac solatii alterre valeat Musice, nunc paucis explanandum.

I I.

UNANIMI consensu conclamant medici vitam mollitici, ac voluptatibus deditam, varia animi pathemata nullis sapientiæ limitibus circumscripta, evacuationes immoderatas, præsertim hæmorrhagias frequenter, catameniorum & lochiorum suppressiones, affectuum hysterice causam remotam suppeditare. Aucta quantitas fluidorum, ut supra innuimus, constituit causam proximam, ac efficit ut vasa omnia majore fluidorum copiâ turgcant. Tunc quò major sanguinis moles ad cerebrum cerebellumque deferitur, eò major fluidi copia nervi. Hinc nervi turgidiores, & eò turgidiores, quò major est illorum mollioritas; & vasa venosa arteriosus magis expanduntur. Et certè sanguis venosus, exercitii defectu, ad cor redire impotens efficit, 1<sup>o</sup>. ut suâ præsentia venarum dianeter augeatur; unde earum dilatatio. 2<sup>o</sup>. ut cor, & consequenter arteriæ ipso-met sanguine defraudentur, undè etiam illa pulsus exilitas quæ in hysterice frequenter observatur. Quod autem ad varia animi pathemata spectare videtur, tam oppositos in diversis subiectis effectus producant, ut vix, quidquam certi de illis pronuntiare valeamus: tristitia etenim animi contentio, ira gaudium, metus, spes, ita aere dicuntur, ut vicissim constringant, dilatent vasa & vice versâ. Undè de verâ ac certâ singularum determinatione vix constat; cum hæmorrhagia siccet vasa & nervos, fluidum ærveum coarctatum in propriis tubis exerit omnes tumultus quos in affectibus præ-

(a) Sydenhamus  
t. 1 p. 76.  
b Fred Hoffmann. tract de malo hysterico.  
sect. 1. c. 5. 6.

dictis à plethorâ ortis conspicimus : illud etiam evenit ex parte omnium fluidorum relativè ad eorum vasa ; unde fit species plethoræ , quæ plethora relativa dici posset. Catameniorum denique & lochiorum suppressione , fit refluxus fluidorum excernendorum , & ex refluxu oritur vera plethora , ex quâ iidem effectus necessariò emergere debent ; cum autem Musices diversâ sonorum temperie languidiorem partium solidorum tonum erigere , & vice versâ , rigidiores temperare valeat : non infimum in utroquè casû hystericis præsertim præstare debet emolumentum.

## I I I.

**M**USICÆ nomine intelligitur scientia illa , quâ soni cum arte vel disponuntur , aut conjunguntur. Multiplex est perceptio sonorum , & tamen æstimabilis , undè sonus à strepitu distinguitur. Vibrante sono , gradatim & diatonicè convelluntur sensûs auditorii harmonicæ fibræ , veraque exoritur æstimatio. Ubi verò à strepitu concutiuntur omnes , tunc nullum super est intervallum inter chordam & alteram , & ex hac confusione exurgere videtur perceptio simplex ex parte sensûs , & suffocatur æstimatio. Cujus assertionis exemplum dabit clavi-chordiûm. Ubi enim chorda percutitur , exurgit sonus , qui progressivè eundo , harmoniam quintæ & tertię doctis ac delicatulis auribus exhibet , tuncquè fit multiplex perceptio æstimabilis ; dùm autem plures aut omnes simul volvuntur , tum fit fragor , aut strepitus , aut confusio sonorum ; proinde què simplex tantum ex parte attendentis perceptio obtineretur. In Musica septem vulgò numerantur soni , quorum unus quisquè proprio nomine insignitur sic progrediendo , ut , *re , mi , fa , sol , la , si* , quibus si addatur tonicæ repetitio , perficitur octava. *1a.* dicitur *tonica* ; subsequens , *secunda* ; *3ta.* , *media* ; *4ta.* , *quarta* dicitur ; *5ta.* , *dominans* ; *6ta.* & *7ta.* nomen retinent. Schala septem tonorum dividitur in quinque tonos , & duos hemi-tonos , qui quidem hemi-toni vel majores , vel minores sunt , & varias efficiunt modulationis species , quibus diversè modè aures afficiuntur. Hinc enharmonicum genûs. Hinc chromaticum. Talis autem est sonorum progressio , ut , qui in progressionè Musicali graviores , se se exhibent , iidem in naturali acutiores occurrant. Fidem facit mono-chordiûm. Si & enim ipsius chorda digito aut instrumento , divellitur ; tunc dat sonum generatorem. Ut v. g. , & apposito , in medio instrumenti , fulcro , chordam ut in duas partes secante , utraque pars tum superius tum inferius ut resonabit acutiorem. Si in novem partes dividatur hæc chorda , dum hæc progressionè nona pars sonabit *re* acutiorem , graviores sonabunt  $\frac{2}{3}$ . Quinta pars ejusdem chordæ cum dat acutum sonum *mi* , gravem huic dabunt  $\frac{1}{2}$ . Et sic quartâ parte *fa* sonante , *fa* gravem dant superstites tres aliæ partes. Quod ad dominantem attinet , *3ta.* pars , *sol* , utiquè generabit , & sic de cæteris. Ut hæc est essentialis differentia inter sonos graves diatonicos , & naturales. Dum verò ab acutioribus celestibus ac vividius , à gravioribus autem tardius aures afficiuntur ; exurgit indè in percipiendis gravioribus sonis maxima difficultas. Indè etiâ in iis exequendis acutioribus , non infimum exurgit impedimentum. Quamvis celeberrimi hujuscæ scholæ viri & Dodartius & Ferreinus , ad sonorum efformationem , membranas , tracheæ ac glottidis Musicales chordas conspirare judicaverint , asseruerint ; omisissis tantorum virorum ingeniosis opiniobus , liceat nobis ducent naturam sequi. Qua propter graviorum tonorum productionem , fortissimæ glottidis depressioni simul ac ejusdem rimulæ ampliâ ioni committere censemus , dùm acutiores , ipsiusmod elevationi ac simul coarctationi tribuendam esse judicamus. Illud enim quod existit spatium inter glottidem , & basim ossis basilaris , tubum Musicalem exhibet , in quò omnes soni pro vario accuratationis , extensionis aut , elongationis gradu , debent generari. His fundamentis totus omnino tubulorum organicorum variorum instrumentorumque musicalis componitur ordo. Glottidis ac pharyngis depressioni concurrunt Musculi sterno-hyodæi , sterno-cleïdo broncho-crico-tyrohyodæi , costo-hyodæi . . . ad rimulæ dilatationem crico-tyrohyodæi , tum anteriores , tum laterales , crico tyrohyodæi , tum posteriores , tum laterales conspirare videntur.

Dùm autem sursum elevatur, huic actioni inserviunt, muscoli digastrici, genioïdæi, mylo hyoïdæi & stylo hyoïdæi, & simul coarctant ari arithenoïdæi & obliqui & transversi, non secus ac tyro-arithenoïdæi. His positis & viâ simpliciiori & luculentiori, simulque naturæ legibus magis consentaneâ methodo, sonorum vocalium progressio potest explicari ac demonstrari.

## I V.

**Q**UEMADMODUM sensûs auditorii beneficio, sublimi, amœno & jocoso sermonis aut colloquii fluxu fruimur, firmatur quæ gentis humanæ societatis, ac commercii vinculum; sic etiam illius ope, melodix & harmonix rapimur illecebris, & sonorum fuco depasta mens nostra, quem dat Musica motum motu quodam sympathico attentius subsequitur. Tanta enim Musicæ vis in aurem, tantumque auris in cæteras partes imperium, ut quidquid in hanc demittatur, segnius aut alacrius illas irritare valeat. Sic dùm sermonis elegantia, ingeniosis imaginibus, ac rerum ubertate, diversos in auditorum mente sollicitat affectus orator; hos etiam benè disposito ac composito sonorum tractu, promovere, ac stimulare potest doctioris Musici genium. Felices igitur nos existimemus, quod tanta & tam bona ab aure fas sit nobis percipere. Talis autem est huiusce organi dispositio, ut in externam & internam dividi possit. Ad externam pertinent eminentiæ, lobus, helix, anthelix; cavitates, tragus, anti-tragus & concha. Hæc autem illa pars quibusdam motibus sensibilibus, quàm in hominibus instructa, gaudet tribus musculis, duobus nempè horizontalibus, & altero perpendiculari. Præterea jungitur auris externæ cum meatu auditorio, partim cartillagineâ, partim ossæ constanti tubâ. Meatus autem membranâ, sensim tenuiore, valdè nervosâ, cerumen à glandulis suppositis transudante donatus separatur ab aure internâ, mediante lamellâ, membranâ tympani dictâ, obliquè sita; itâ ut superius angulum obtusum, inferius acutum efformet. Recipitur membrana tympani in scissurâ circuli ossæ supernæ & retrorsum incompleti. Hæc sunt quæ in aure externâ precipue notatu digna animadvertuntur. In internâ auris parte ad membranæ claudentis centrum applicatur mallei manubrium; dùm interim mallei caput mobile simul in sinu ossæ, & altera sui capitis parte recipitur articulatione ginglimi in binis cavitatibus incudis, cæterum liberè suspensi. Movetur autem malleus artificiosâ muscutorum insertione. Incus verò in duos extenditur ramos, quorum unus & brevior I gamento tenui firmatur, & aliter longior, mediante lenticulari ossiculo, ad stapedem usque protenditur. Pars verò ellyptica stapedis foramini ovali applicatur; & fenestrâ rotunda membranâ obturatur, quæ quidem membrana, mediante stapedis musculo, potest extendi. Cavitates auris internæ sunt concha interna, vestibulum, labyrinthum & cochlea spiralis. In primâ continenter quatuor ossicula, musculi tùm mallei, tùm stapedis; videntur fenestræ, tùm rotunda, tùm ovalis & ductus tubæ Eustachianæ. Investibulo conspiciuntur septem foraminula, quorum quinque ad semi-circulares canales pertinent, duo verò sub nomine fenestræ tùm ovalis, tùm rotundæ designantur. Serpit insuper in eodem vestibulo pulpofa nervorum substantia. Dùm hæc nervorum substantia, per canales semi-circulares progreditur, firmior sit, & fasciculos efformat, qui iterum pulpofi in vestibulo usque ad fenestram rotundam extenduntur; & rursus solidiores facti, per cochleam spiralem gyros intorquentur, dantque tenuissimam filamentorum seriem. Sic autem disponitur cochlea spiralis ut conum efformet depressum circa conum prominentiorem, & acutiorem. Hic conus secatur à lamella partim ossæ, partim membranosa; itâ ut duos efformet canales quorum anterior in vestibulo pateat, dum posterioris ostium fenestræ rotundæ obvium sit. His positis & intellectis, explicari potest auditus mechanismus. Sonus, est motus tremulus in aëre excitatus à corpore sonoro. Perceptio soni fit quando basis conici sonori auri externæ applicatur. Ampliatur hæc basis per auris flexuosos processus; & rursus decedit in concham, & ejus apex ad membranam meatûs auditorii appellit. Figura tubulosa meatûs flexuosa, radios sonoros colligendo, sonum adauget. Tunc conus aëris sonori percutit membranam tympani; ubi percutitur hæc membrana, attrahitur, mediantribus duobus musculis pro sono acutiore, & relaxatur pro graviore contractione tertii musculi. Tunc aër incarcerationis, quæ à libero aëre determinantur succussiones, remanentibus firmis & incude & stapede, accipit; tunc quæ foraminis rotundi membrana, varios tensionis gradus pro sonorum diversitate suscipit, ita ut eosdem quos

accipit motus tremulos, aëri canalis posterioris communicet. Aër ille per gyrum cochleæ posterioris ad apicem scandit & nervulos omnes confusè si de strepitu agatur; & distinctivè, si de sono musicali, quosdam commovet; tunc ex apice per gyros anteriores usque ad vestibulum motus illi reflectuntur. Ex his patet radios sonoros, concussis nervis, deferri ad animam. Tunc soni perceptio perficitur & his additis clariis elucescet. Sic enim disponitur portio mollis nervi, ut efformet ramulorum seriem, quæ ex determinatâ basi in apicem desinit. Unde infinitæ numero dantur chordæ ita harmonicè dispositæ, ut sonis agentibus motu sympathico contremescere valeant ac convelli. Dùm verò nervi ramulis intercostalis, mediante parvo linguae-ganglio, alligatur nervus acusticus; non mirum sanè videri debet, cur commotis auribus, tantoperè cæteræ partes commoveantur.

## V.

CUM ea sit in hysteriis affectibus diversitas ac inconstantia, ut, quæ dolent hysterice, vicissim mærore, tristitiâ, furore, iracundiâ, melancholiâ & spasmodicis quandoquæ afficiantur insultibus; non unam iis arcendis ac præcavendis Musica fert auxilii suppellibilem. Beneficæ hujus scientiæ tanta est ubertas, ut pro singulari unius cujusque symptomatis specie, conveniens harmoniæ ac melodiæ genus suppeditare valeat. Sic dum tardiores fibras erigere, ac morantes fluidas, partes conquassare potest diatonicum genus; superbientes easdem, aut æstu nimio furentes temperat chromaticum. Sic ut oculus, bene compositâ recreatus tabellâ, stupendus luminis effectus, personas, animantia, arbores, virentes herbas, artificiosè fugientem locorum posituram, Montes, Rupes, flumina, oceanum & quidquid natura subministrat ad vivum expressum miratur, & depictâ delusûs imagine, res immotas tanquam euntes & veras conspicit; sic auris, dùm diversas modulationis species, & diathonicum, & chromaticum enharmonico passim temperatum genere, & alternos modorum tum majorum, tum minorum orbes decurrit, innumeris propemodum afficitur commoveturque sensationibus, quibus vires addere valent, & motûs diversitas diversusque instrumentorum apparatus. Præterea talis est instrumentorum compositio ac distributio, ut unum quod quæ peculiari aliquo sonet elegantibus; undè major in aure vibratio, undè etiam felicior successus, si dolentibus aut hysteriis convenientius applicetur instrumentum. Evenit quandoque ut quæ, tibiæ dulcedine vix afficitur hysterica mulier, fidibus cytharæ, aut metallicis instrumentis vividius commoveatur, & vice versâ. Evenit quoque, ut quæ, præstissimo defatigatur Musicis motu, tardiori ac pacatiori jucundius recreetur. Diversa igitur est relatio Musicæ unicuique subjecto applicanda, ex quâ nec statim subsequi debet sympathicus effectus. His positis, sanè vividius elucescit, multum à diversâ Musicæ temperie in gratiam hysteriis expectandum esse. Obijciunt forsân pluri in invalidam esse Musicæ energiam, ad præcavendos & curandos morborum effectus. Attendant illi, ad Tarentulæ veneno insectorum historiam. Attendant, stertentes & veluti mortuos, solius Musicæ opè è somno excitari, demorosos viros. Attendant non unicuique idem Musicæ genus competere. Si forsân sint qui adeo obtusis auribus docebantur, ut & Musicæ, & instrumentorum in sensus nostros impotentiam, pertinacius arguere conentur; fidem faciat illis tensio illa harmonica, & vis tonica in corpore subsistens, quâ fit ut sordorum etiam fibrillæ, agentibus & motis instrumentorum fidibus velut electro quodam concutiantur. Fidem faciat illis, pugnantis militis, instrumentum rum strepitu sic aucta virtus, ut spreto certi ac instantis fati horrore, ac periculo, pugnet alacrius, nec inpallefeat. Magna igitur in sensus nostros Musices & harmoniæ, vis, ac potentia Nihil ergo obstat quin concludamus;

*Ergò hysteriis insultibus præcavendis, Musicæ.*

Proponebat Parisiis CLAUDIUS - ANDRÆAS GOUBELIY, Parisinus,  
Saluberrimæ Facultatis Medicinæ Parisiensis Baccalaureus Theses Author,  
A. R. S. H. 1771. A SEXTA AD MERIDIEM.